



গঠনতন্ত্র



তুমি বল এটাই আমার পথ। আমি ও আমার অনুসারীগণ ডাকি
আল্লাহর দিকে জাগ্রত জ্ঞান সহকারে। আল্লাহ পবিত্র। আর আমি
অংশীবাদীদের অন্তর্ভুক্ত নই (সূরা ইউসুফ ১২/১০৮)।

বাংলাদেশ আহলেহাদীছ যুবসংঘ



গঠনতন্ত্র

বাংলাদেশ আহলেহাদীছ যুবসংঘ

গঠনতন্ত্র
বাংলাদেশ আহলেহাদীছ যুবসংঘ

প্রকাশক
কেন্দ্রীয় কমিটি

বাংলাদেশ আহলেহাদীছ যুবসংঘ

কেন্দ্রীয় কার্যালয়

আল-মারকাযুল ইসলামী আস-সালাফী (২য় তলা)
নওদাপাড়া (আমচত্বর) বিমানবন্দর রোড, পোঃ সপুরা
রাজশাহী-৬২০৩, ফোন : ০২৪৭-৮৬০৯৯২

دُسْتُوْرُ الْعَمَلِ لِبَنْغَلَادِيْشِ اَهْلِ الْحَدِيْثِ جُوْبُوْشَانْغُهُو

(جَمْعِيَّةُ شِبَانَ اَهْلِ الْحَدِيْثِ بَنْغَلَادِيْشِ)

النَّاشِرُ : الْمَجْلِسُ الْمَرْكَزِيُّ لِلْجَمْعِيَّةِ

الْمَقَرُّ الرَّئِيْسِيُّ : الْمَرْكَزُ الْاِسْلَامِيُّ السَّلْفِيُّ (الطابق الثاني)

نُوْدَابَارَا، رَاَجْشَاهِي، بَنْغَلَادِيْشِ

প্রকাশকাল :

১ম প্রকাশ : এপ্রিল ১৯৮১

১ম সংস্করণ : ফেব্রুয়ারী ১৯৯২

২য় সংস্করণ : মার্চ ১৯৯৫

৩য় সংস্করণ : জুন ১৯৯৭

৪র্থ সংস্করণ : আগস্ট ২০১২

৫ম সংস্করণ : মে ২০২০

মুদ্রণে

হাদীছ ফাউন্ডেশন প্রেস, নওদাপাড়া, রাজশাহী

হাদিয়া

১৫ (পনের) টাকা মাত্র।

GATHANTANTRA (Constitution) : Published by the Central Committee of **BANGLADESH AHLE HADEETH JUBO SHONGHO** (Youth Association). Head Office : Al-Markazul Islami As-Salafi (1st Floor), Nawdapara, P.O. Sapura, P.S. Shah Makhdum, Rajshahi. Phone : +88-0247-860992.

সূচীপত্র

ভূমিকা	০৪
প্রথম অধ্যায় :	
ধারা-১ : সংগঠনের নাম.....	০৭
ধারা-২ : কার্যালয় ও মনোস্থান.....	০৭
ধারা-৩ : আকীদা.....	০৭
ধারা-৪ : লক্ষ্য ও উদ্দেশ্য.....	০৮
ধারা-৫ : মূলনীতি.....	০৮
দ্বিতীয় অধ্যায় :	
ধারা-৬ : কর্মসূচী.....	০৮
তৃতীয় অধ্যায় :	
ধারা-৭ : জনশক্তি স্তর.....	০৯
চতুর্থ অধ্যায় :	
ধারা-৮ : সাংগঠনিক স্তর.....	১০
ধারা-৯ : কার্যক্রম.....	১৪
পঞ্চম অধ্যায় :	
ধারা-১০ : দায়িত্ব ও কর্তব্য.....	১৬
ষষ্ঠ অধ্যায় :	
ধারা-১১ : সভা সমূহ.....	১৮
সপ্তম অধ্যায় :	
ধারা-১২ : দায়িত্বশীলের গুণাবলী.....	১৯
ধারা-১৩ : মনোনয়ন.....	১৯
ধারা-১৪ : অব্যাহতি.....	২০
অষ্টম অধ্যায় :	
ধারা-১৫ : অর্থ ব্যবস্থা.....	২১
নবম অধ্যায় :	
ধারা-১৬ : গঠনতন্ত্র সংশোধন.....	২১
দশম অধ্যায় :	
ধারা-১৭ : বিবিধ.....	২১
ধারা-১৮ : পরিশিষ্ট.....	২২

بِسْمِ اللَّهِ الرَّحْمَنِ الرَّحِيمِ

গঠনতন্ত্র বাংলাদেশ আহলেহাদীছ যুবসংঘ ভূমিকা

নাহ্মাদুহু ওয়া নুছাল্লী ‘আলা রাসূলিহিল কারীম। আন্মা বা’দ-

আহলেহাদীছ আন্দোলনে তরণ ছাত্র ও যুবকদের সম্পৃক্ত করার উদ্দেশ্যে এবং দেশের যুবশক্তিকে পবিত্র কুরআন ও ছহীহ হাদীছের আলোকে জান্নাতপিয়াসী যুবশক্তিতে পরিণত করার লক্ষ্যে ‘বাংলাদেশ আহলেহাদীছ যুবসংঘ’ গঠিত হয়। বাংলা ১৩৮৪ সালের ২৩শে মাঘ, ইংরেজী ১৯৭৮ সালের ৫ই ফেব্রুয়ারী মুতাবিক ২৬শে ছফর ১৩৯৮ হিজরী রোজ রবিবার ৭৮*, উত্তর যাত্রাবাড়ীস্থ ‘মাদ্রাসা মুহাম্মাদিয়া আরাবিয়া’র জামে মসজিদে বাদ যোহর ‘বাংলাদেশ আহলেহাদীছ যুবসংঘ’ গঠনের উদ্দেশ্যে মাননীয় আহ্বায়কের আহ্বানে ঢাকার বিভিন্ন এলাকা হ’তে আগত আহলেহাদীছ যুবকদের একটি সভা অনুষ্ঠিত হয়।

উক্ত সভায় সর্বসম্মতিক্রমে ঢাকা বিশ্ববিদ্যালয়ের তৎকালীন ছাত্র জনাব মুহাম্মাদ আসাদুল্লাহ আল-গালিব (সাতক্ষীরা)-কে আহ্বায়ক ও মাদরাসা মুহাম্মাদিয়া আরাবিয়ার শিক্ষক দেওয়ান হাসান শহীদ (টাঙ্গাইল)-কে যুগ্ম-আহ্বায়ক করে ৩৩ সদস্যের একটি ‘প্রস্তুতি কমিটি’ গঠিত হয় এবং আহ্বায়ক কর্তৃক রচিত ও উক্ত সভায় পঠিত কর্মসূচীর** (গঠনতন্ত্র) ভিত্তিতে দেশব্যাপী সাংগঠনিক কাজ শুরু করার পরিকল্পনা ঘোষণা করা হয়। অতঃপর যাত্রাবাড়ী ‘মাদ্রাসা মুহাম্মাদিয়া আরাবিয়া’য় মাননীয় আহ্বায়কের কার্যালয় থেকেই দেশব্যাপী যুবসংঘের কার্যক্রম পরিচালিত হয়।

অতঃপর মহান আল্লাহর মেহেরবানীতে ১৯৮০ সনের ৫ ও ৬ই এপ্রিল, রাজধানীর ঢাকা যেলা ক্রীড়া সমিতি মিলনায়তনে আমাদের ১ম ‘জাতীয় সম্মেলন’ এবং বায়তুল মোকাররম জাতীয় মসজিদ সংলগ্ন ইসলামিক ফাউন্ডেশন মিলনায়তনে ‘তাওহীদের শিক্ষা ও আজকের সমাজ’ শীর্ষক একটি সার্থক ইসলামী সেমিনার অনুষ্ঠিত হয়। ৬ই এপ্রিল রবিবার অনুষ্ঠিত জাতীয় সম্মেলনে দেশের বিভিন্ন এলাকা হ’তে আগত আহলেহাদীছ আন্দোলনে যথাযোগ্য ভূমিকা পালনে আগ্রহী যুবকদের মধ্য হ’তে ৩৫ সদস্যের একটি শক্তিশালী ‘কেন্দ্রীয় এডহক কমিটি’ গঠন করা হয়। সেখানে প্রস্তুতি কমিটির আহ্বায়ক জনাব মুহাম্মাদ

* বর্তমানে ৭৯/ক, উত্তর যাত্রাবাড়ী, ঢাকা-১২০৪।

** ৬ পৃষ্ঠার উক্ত ‘কর্মসূচী’ বনাম গঠনতন্ত্রটি পিরামিড প্রেস, দৌলতপুর, খুলনা হ’তে ১৯৭৮ সালে মুদ্রিত হয়।

আসাদুল্লাহ আল-গালিবকে এডহক কমিটির আহ্বায়ক এবং মাওলানা শামসুদ্দীন (সিলেট) ও মুহাম্মাদ বদরুদ্দীন (ঢাকা)-কে যুগ্ম-আহ্বায়ক নিযুক্ত করা হয়। উক্ত বৈঠকে মুহাম্মাদ শামসুদ্দীনকে আহ্বায়ক করে ১০ সদস্যের একটি গঠনতন্ত্র সাব-কমিটিও গঠন করা হয় এবং কমিটির প্রত্যেক সদস্যকে গঠনতন্ত্রের খসড়া তৈরীর দায়িত্ব অর্পণ করা হয়।

অতঃপর তাঁরা তিন মাসের মধ্যে নিজ নিজ খসড়া তৈরী করে সাব-কমিটির আহ্বায়কের নিকটে পাঠিয়ে দেন। আহ্বায়ক সবগুলি খসড়া ৭ই জুলাই সোমবার ১৯৮০ সালে ঢাকার বংশাল জামে মসজিদে সাব-কমিটির সভায় পেশ করেন। উক্ত খসড়া গঠনতন্ত্রের যথাযথ পর্যালোচনার পর আহ্বায়ক জনাব মুহাম্মাদ আসাদুল্লাহ আল-গালিবকে সব কয়টি খসড়া হ'তে চয়ন করে একটি চূড়ান্ত গঠনতন্ত্র সংকলনের দায়িত্ব দেওয়া হয়।

অতঃপর তিনি তা সংকলন করে বিগত ২৮শে মার্চ ৮১ যুবসংঘের তৎকালীন কেন্দ্রীয় অফিস* ৯৪, কাষী আলাউদ্দীন রোড, ঢাকা-১১০০-য়ে অনুষ্ঠিত গঠনতন্ত্র সাব-কমিটির সভায় পেশ করেন। উক্ত কমিটি সেটি প্রয়োজনীয় সংশোধন পূর্বক সর্বসম্মতিক্রমে গ্রহণ করেন এবং পরদিন ২৯শে মার্চ বংশাল জামে মসজিদে অনুষ্ঠিত কেন্দ্রীয় এডহক কমিটির পূর্ণাঙ্গ সভায় তা সর্বসম্মতিক্রমে গৃহীত হয়।** এই গঠনতন্ত্রের বর্তমান সংস্করণে মোট ১০টি অধ্যায় এবং ১৮টি ধারা রয়েছে।

এর বৈশিষ্ট্যসমূহ নিম্নরূপ :

১. পবিত্র কুরআন ও ছহীহ হাদীছে বর্ণিত নীতিমালার আলোকে নির্দিষ্ট 'ইমারত ও বায়'আত'-এর ভিত্তিতে তরুণ ছাত্র ও যুবসমাজকে সংগঠিত করার রূপরেখা প্রদত্ত হয়েছে।
২. ধর্মীয় ও বৈষয়িক জীবনে একজন ঈমানদার যুবক যাতে নিরপেক্ষভাবে কুরআন ও সুন্নাহ মেনে চলে ইহকালীন মঙ্গল ও পরকালীন মুক্তি হাছিল করতে পারে, তার দিক-নির্দেশনা প্রদান করা হয়েছে।

*যুবসংঘের কেন্দ্রীয় কার্যালয় সমূহ : (১) মাদ্রাসা মুহাম্মাদিয়া আরাবিয়া, ৭৮, উত্তর যাত্রাবাড়ী (বর্তমানে ৭৯/ক), ঢাকা-১২০৪। ১৯৭৮ সালের ফেব্রুয়ারী হ'তে ১৯৮০ সালের সেপ্টেম্বর পর্যন্ত (২) মাদরাসাতুল হাদীছ, ৯৪ কাষী আলাউদ্দীন রোড, ঢাকা-১১০০। ১৯৮০ সালের সেপ্টেম্বর হ'তে ১৯৮৪ সালের মে পর্যন্ত (৩) মাদরাসা মার্কেট (৩য় তলা), রাণীবাজার, রাজশাহী। ১৯৮৪ সালের ৩০শে মে হ'তে ১৯৯৬ সালের মে পর্যন্ত (৪) আল-মারকাতুল ইসলামী আস-সালাফী (২য় তলা), নওদাপাড়া, রাজশাহী। ১৯৯৬ সালের ১৯শে মে হ'তে বর্তমান সময় পর্যন্ত।

উল্লেখ্য যে, মাননীয় আহ্বায়ক খুলনা এম.এম. সিটি কলেজে ছাত্র থাকাকালীন সময়ে ১৯৭৪ সালে সর্বপ্রথম 'আঞ্জমানে শুক্বানে আহলেহাদীছ' নাম দিয়ে আহলেহাদীছ যুব সংগঠনের কাজ শুরু করেন। তখন কার্যালয় ছিল, খুলনা সিটি আহলেহাদীছ জামে মসজিদ (২য় তলা), ৬৯ খানজাহান আলী রোড (ফেরীঘাট মোড়), খুলনা।

**অত্র গঠনতন্ত্রটি এপ্রিল ১৯৮১ সালে ১ম সংস্করণ হিসাবে এম.এ. বারী কর্তৃক আল-হাদীস প্রিন্টিং এণ্ড পাবলিশিং হাউস, ৯৮ নওয়াবপুর রোড, ঢাকা-১ হ'তে মুদ্রিত হয়।

৩. নেতৃত্ব নির্বাচনের প্রচলিত গণতান্ত্রিক পদ্ধতি ও একনায়ক পদ্ধতির বাইরে যোগ্য ব্যক্তিদের পরামর্শ ভিত্তিক ইসলামী শূরা পদ্ধতি সংগঠনের সকল স্তরে অনুসৃত হয়েছে।

যে সকল তরুণ ছাত্র ও যুবক আহলেহাদীছ আন্দোলনে বিশ্বাসী এবং এর খেদমতে আগ্রহী, আশা করি এ গঠনতন্ত্র তাদের কর্মতৎপরতায় সহায়ক হবে। পরবর্তী কোন সংশোধনী না আসা পর্যন্ত এর পূর্ণাঙ্গ অনুসরণ প্রত্যেক কর্মীর জন্য অবশ্য কর্তব্য।

আল্লাহ আমাদের জীবনের প্রতিটি মুহূর্ত পবিত্র কুরআন ও ছহীহ হাদীছ অনুযায়ী চলার তাওফীক দান করুন এবং আহলেহাদীছ আন্দোলনকে গতিশীল ও সফল করুন—আমীন!!

নিবেদনে

কেন্দ্রীয় কমিটি

বাংলাদেশ আহলেহাদীছ যুবসংঘ

বিসমিল্লা-হির রহমা-নির রহীম

الْحَمْدُ لِلَّهِ وَحْدَهُ وَالصَّلَاةُ وَالسَّلَامُ عَلَيَّ مَنْ لَأَنْبِيَ بَعْدَهُ

প্রথম অধ্যায়

ধারা-১ : সংগঠনের নাম

বাংলাদেশ আহলেহাদীছ যুবসংঘ

ধারা-২ : কার্যালয় ও মনোখাম

(১) কার্যালয় : ‘বাংলাদেশ আহলেহাদীছ যুবসংঘ’-এর কেন্দ্রীয় কার্যালয় বর্তমানে রাজশাহীতে থাকবে। তবে সংগঠনের বৃহত্তর স্বার্থে ‘মজলিসে শূরা’র পরামর্শক্রমে ও মুরব্বী সংগঠনের অনুমোদনক্রমে প্রধান কার্যালয় দেশের অন্যত্র স্থানান্তর করা যাবে।

(২) মনোখাম পরিচিতি

সংগঠনের একটি মনোখাম থাকবে (তিরমিযী হা/১৬৮২; হাকেম হা/২৫১৫; মিশকাত হা/৩৯৪৮; ছহীহুল জামে’ হা/২৩০৮)। যার পরিচিতি নিম্নরূপ :

(ক) পাঁচটি কোণ দ্বারা ইসলামের পাঁচটি স্তম্ভ বুঝানো হয়েছে। (খ) মধ্যের উপরিভাগে ‘কালেমা শাহাদাত’-এর প্রচলিত মূল অংশ দ্বারা তাওহীদ ও রিসালাতের সর্বোচ্চ অধাধিকার বুঝানো হয়েছে। (গ) মধ্যের চাঁদ-তারা দ্বারা ইসলামী নিশান বুঝানো হয়েছে। (ঘ) ত্রিকোণবেষ্টিত সূরা ইউসুফ ১০৮ আয়াতাংশ দ্বারা ‘জাহ্নত জ্ঞান সহকারে আল্লাহর পথে সংঘবদ্ধভাবে দাওয়াত ও জিহাদ’-এর কথা বুঝানো হয়েছে। (ঙ) উপরের তিন দিকে ডবল রেখার বেষ্টিত দ্বারা সাংগঠনিক ময়বৃত্তী বুঝানো হয়েছে।

ধারা-৩ : আক্বীদা

(১) তাওহীদ প্রতিষ্ঠা করা। অর্থাৎ জীবনের সর্বক্ষেত্রে আল্লাহর দাসত্ব করা (যারিয়াত ৫১/৫৬)। আল্লাহর সত্তা ও গুণাবলীর সাথে কাউকে শরীক না করা এবং কোনকিছুকে তাঁর তুলনীয় মনে না করা (নিসা ৪/৪৮; শূরা ৪২/১১)।

(২) শেষনবী মুহাম্মাদ (ছাল্লাল্লাহু ‘আলাইহে ওয়া সাল্লাম)-এর আনুগত্য করা (নিসা ৪/৬৫)। অর্থাৎ পবিত্র কুরআন ও ছহীহ হাদীছ এবং সালাফে ছালেহীনের বুঝ অনুযায়ী ছিরাতে মুস্তাক্বীমের অনুসারী হওয়া।

(৩) আমীরের আনুগত্য করা (নিসা ৪/৫৯)। অর্থাৎ আল্লাহর কিতাব অনুযায়ী পরিচালনাকারী আমীরের নেতৃত্বে জামা‘আতবদ্ধ জীবন যাপন করা (মুসলিম হা/১২৯৮; ছহীহাহ হা/৮৬৭)।

ধারা-৪ : লক্ষ্য ও উদ্দেশ্য

নির্ভেজাল তাওহীদের প্রচার ও প্রতিষ্ঠা এবং জীবনের সর্বক্ষেত্রে কিতাব ও সুন্নাহের যথাযথ অনুসরণের মাধ্যমে আল্লাহর সন্তুষ্টি অর্জন করা। আক্বীদা ও আমলের সংশোধনের মাধ্যমে সমাজের সার্বিক সংস্কার সাধন আহলেহাদীছ আন্দোলনের সামাজিক ও রাজনৈতিক লক্ষ্য।

ধারা-৫ : মূলনীতি : পাঁচটি-

(১) কিতাব ও সুন্নাহের সার্বভৌম অধিকার প্রতিষ্ঠা : এর অর্থ- পবিত্র কুরআন ও ছহীহ হাদীছে বর্ণিত আদেশ-নিষেধকে সর্বোচ্চ অগ্রাধিকার দেওয়া এবং তাকে নিঃশর্তভাবে ও বিনা দ্বিধায় কবুল করে নেওয়া ও সে অনুযায়ী আমল করা।

(২) তাক্বুলীদে শাখছী বা অন্ধ ব্যক্তিপূজার অপনোদন : তাক্বুলীদ অর্থ- শারঈ বিষয়ে বিনা দলীলে কারো কোন কথাকে চোখ বুঁজে মেনে নেওয়া। 'তাক্বুলীদ' দু'প্রকার- জাতীয় ও বিজাতীয়। 'জাতীয় তাক্বুলীদ' বলতে ধর্মের নামে মুসলিম সমাজে প্রচলিত বিভিন্ন মাযহাব ও তরীকার অন্ধ অনুসরণ বুঝায়। 'বিজাতীয় তাক্বুলীদ' বলতে বৈষয়িক ব্যাপারের নামে সমাজে প্রচলিত পুঁজিবাদ, সমাজতন্ত্র, গণতন্ত্র, জাতীয়তাবাদ, ধর্মনিরপেক্ষতাবাদ প্রভৃতি বিজাতীয় মতবাদের অন্ধ অনুসরণ বুঝায়।

(৩) ইজতেহাদ বা শরী'আত গবেষণার দুয়ার উন্মুক্তকরণ : ইজতেহাদ অর্থ- যুগ-জিজ্ঞাসার জওয়াব পবিত্র কুরআন ও ছহীহ সুন্নাহ হ'তে বের করার সর্বাঙ্গিক প্রচেষ্টা চালানো। এই অধিকার ক্বিয়ামত পর্যন্ত সকল যুগের সকল যোগ্য আলেমের জন্য খোলা রাখা।

(৪) সকল সমস্যায় ইসলামকেই একমাত্র সমাধান হিসাবে পরিগ্রহণ : এর অর্থ-

ধর্মীয় ও বৈষয়িক জীবনের সকল সমস্যায় ইসলামকেই একমাত্র সমাধান হিসাবে গ্রহণ করা।

(৫) মুসলিম সংহতি দৃঢ়করণ : এর অর্থ- পবিত্র কুরআন ও ছহীহ হাদীছের আদেশ-নিষেধকে নিঃশর্তভাবে মেনে নেওয়ার ভিত্তিতে মুসলিম ঐক্য গড়ে তোলা এবং মুসলিম উম্মাহর সার্বিক স্বার্থকে অগ্রাধিকার দেওয়া।

উপরোক্ত লক্ষ্য, উদ্দেশ্য ও মূলনীতি সমূহ বাস্তবায়নের মাধ্যমে 'বাংলাদেশ আহলেহাদীছ যুবসংঘ' চায় এমন একটি ইসলামী সমাজ, যেখানে থাকবে না প্রগতির নামে কোন বিজাতীয় মতবাদ; থাকবে না ইসলামের নামে কোনরূপ মাযহাবী সংকীর্ণতাবাদ।

দ্বিতীয় অধ্যায়

ধারা-৬ : কর্মসূচী : চারটি-

তাবলীগ, তানযীম, তারবিয়াত ও তাজদীদে মিল্লাত। অর্থাৎ প্রচার, সংগঠন, প্রশিক্ষণ ও সমাজ সংস্কার।

(১) **তাবলীগ বা প্রচার** : এ দফার করণীয় হ'ল, তরুণ ছাত্র ও যুবসমাজের নিকটে নির্ভেজাল তাওহীদের দাওয়াত পৌঁছে দেওয়া। তাদেরকে যাবতীয় শিরক, বিদ'আত ও তাকুলীদী ফির্কাবন্দীর বেড়া জাল হ'তে মুক্ত হয়ে সম্পূর্ণ নিরপেক্ষ ও খোলা মনে পবিত্র কুরআন ও ছহীহ হাদীছ অনুযায়ী নিজেদের জীবন, পরিবার ও সমাজ গঠনে উদ্বুদ্ধ করা। তাদের মধ্যে ইসলামের প্রকৃত জ্ঞান অর্জন এবং জীবনের সকল দিক ও বিভাগে ইসলামের পূর্ণাঙ্গ অনুশীলনের দায়িত্বানুভূতি জাগ্রত করা।

(২) **তানযীম বা সংগঠন** : এ দফার করণীয় হ'ল, যে সকল যুবক নিজেদেরকে খাঁটি ইসলামী চরিত্রে গড়ে তুলতে এবং সমাজের বুকে পূর্ণাঙ্গ ইসলামী জীবনবিধান কায়েমের আন্দোলনে অংশ নিতে প্রস্তুত হয়, তাদেরকে সংগঠনের অধীনে সংঘবদ্ধ করা।

(৩) **তারবিয়াত বা প্রশিক্ষণ** : এ দফার করণীয় হ'ল, (ক) সংগঠনের মাধ্যমে জামা'আতবদ্ধ জনশক্তিকে নির্ভেজাল তাওহীদ ও ছহীহ সুন্যাহর আলোকে প্রশিক্ষণের মাধ্যমে যিন্দাদিল মর্দে মুজাহিদ রূপে গড়ে তোলা এবং (খ) ধর্মের নামে প্রচলিত যাবতীয় কুসংস্কার ও জাহেলিয়াতের বিভিন্নমুখী চ্যালেঞ্জের মুকাবিলায় ইসলামকে বিজয়ী করার মত যোগ্যতা সম্পন্ন কর্মী তৈরীর কার্যকর ব্যবস্থা গ্রহণ করা।

(৪) **তাজদীদে মিল্লাত বা সমাজ সংস্কার** : এ দফার করণীয় হ'ল, আল্লাহ প্রেরিত সর্বশেষ অহি-র বিধান অনুযায়ী সমাজের বুকে ন্যায়ের প্রতিষ্ঠা ও অন্যায়ের প্রতিরোধে সর্বাঙ্গিক প্রচেষ্টা চালানো এবং এর মাধ্যমে পর্যায়ক্রমে ব্যক্তি, পরিবার, সমাজ ও রাষ্ট্র সংশোধনের ব্যবস্থা করা।

তৃতীয় অধ্যায়

ধারা-৭ : জনশক্তি স্তর : তিনটি-

১. প্রাথমিক সদস্য ২. কর্মী ৩. কেন্দ্রীয় কাউন্সিল সদস্য।

১. প্রাথমিক সদস্য : অনধিক ৩২ বছরের যে সকল তরুণ, যুবক ও ছাত্র (ক) নিয়মিত ছালাত আদায় করেন (খ) পবিত্র কুরআন ও ছহীহ হাদীছের সিদ্ধান্তকে নিঃশর্তভাবে মেনে নেওয়ার স্বীকৃতি প্রদান করেন (গ) নির্ধারিত 'সিলেবাস' অধ্যয়নে রাযী থাকেন (ঘ) 'প্রাথমিক সদস্য' ফরম পূরণ করেন ও সংগঠনের নির্দেশ পালনে প্রস্তুত থাকেন।

২. কর্মী : যে সকল 'প্রাথমিক সদস্য' (ক) সংগঠনের লক্ষ্য, উদ্দেশ্য, মূলনীতি ও কর্মসূচীর সাথে সচেতনভাবে একমত হন (খ) যিনি সংগঠনের প্রতি পূর্ণ আনুগত্যশীল, তাক্বওয়াশীল এবং হালাল রুযীর ব্যাপারে সচেতন থাকেন (গ) যিনি সংগঠনের সামগ্রিক তৎপরতায় স্বতঃস্ফূর্তভাবে সহায়তা করেন এবং অন্য কোন আদর্শিক সংগঠনের সাথে কোনরূপ সাংগঠনিক সম্পর্ক রাখেন না (ঘ) যিনি যাবতীয় হারাম ও কবীরা গুনাহ হ'তে বিরত থাকেন এবং পবিত্র কুরআন ও ছহীহ হাদীছের আলোকে ব্যক্তি, পরিবার ও সমাজ গঠনে সর্বদা সচেষ্ট থাকেন। (ঙ) যিনি নিয়মিত এয়ানত দেন এবং ইহতিসাব (ব্যক্তিগত রিপোর্ট) রাখেন ও দেখান। (চ) যিনি নির্ধারিত সিলেবাস অধ্যয়ন করেন ও পরীক্ষায় উত্তীর্ণ হন। অতঃপর উপরোক্ত মর্মে 'কর্মী' ফরম পূরণ করেন ও কেন্দ্রীয় কর্মপরিষদের অনুমোদন লাভ করেন এবং কেন্দ্রীয় সভাপতি বা তাঁর প্রতিনিধির নিকট শপথ নেন।

৩. কেন্দ্রীয় কাউন্সিল সদস্য : যে সকল ‘কর্মী’ (ক) সংগঠনের লক্ষ্য ও উদ্দেশ্যকে জীবনের লক্ষ্য ও উদ্দেশ্য হিসাবে গ্রহণ করেন এবং তা বাস্তবায়নের জন্য সংগঠনের নির্দেশ অনুযায়ী যে কোন ত্যাগ স্বীকারে প্রস্তুত থাকেন (খ) যিনি ইসলাম ও জাহেলিয়াত অর্থাৎ তাওহীদ ও শিরক, সুনাত ও বিদ‘আত, ইত্তেবা ও তাক্বুলীদ, ইসলামী রাজনীতি ও অর্থনীতি এবং প্রচলিত রাজনীতি ও অর্থনীতি সম্পর্কে সুস্পষ্ট ধারণা রাখেন (গ) যিনি নিয়মিতভাবে সাংগঠনিক ও ইসলামী গ্রন্থাবলী অধ্যয়ন করেন (ঘ) যিনি সংগঠনকে এগিয়ে নেওয়ার জন্য সর্বদা জান-মালের কুরবানী দিয়ে থাকেন (ঙ) যিনি নিয়মিত ইহতিসাব (ব্যক্তিগত রিপোর্ট) রাখেন ও উর্ধ্বতন দায়িত্বশীলকে দেখান (চ) যিনি নির্ধারিত সিলেবাস অধ্যয়ন করেন ও পরীক্ষায় উত্তীর্ণ হন। অতঃপর উপরোক্ত মর্মে ‘কেন্দ্রীয় কাউন্সিল সদস্য’ ফরম পূরণ করেন ও শূরার অনুমোদন লাভ করেন এবং আমীরে জামা‘আতের নিকট শারঈ আনুগত্যের ব্যায়‘আত গ্রহণ করেন।

চতুর্থ অধ্যায়

ধারা-৮ : সাংগঠনিক স্তর : পাঁচটি—

১. শাখা ২. এলাকা ৩. উপযেলা ৪. যেলা ৫. কেন্দ্র।

১. শাখা :

(ক) কোন গ্রাম, মহল্লা, মসজিদ, শিক্ষাপ্রতিষ্ঠান, ছাত্রাবাস বা কর্মস্থলে কমপক্ষে তিনজন ‘প্রাথমিক সদস্য’ থাকলে এলাকার অনুমোদন সাপেক্ষে একজনকে সভাপতি, একজনকে সাধারণ সম্পাদক ও একজনকে সদস্য করে একটি শাখা গঠন করা যাবে। সদস্য সংখ্যা বেশী থাকলে সভাপতি ও সহ-সভাপতিসহ অনধিক ৯ (নয়) সদস্যের একটি পূর্ণাঙ্গ ‘শাখা কর্মপরিষদ’ গঠিত হবে। যেলা না থাকলে উক্ত শাখা সরাসরি কেন্দ্র কর্তৃক অনুমোদিত হবে।

(খ) শাখার অধীনস্থ উপযুক্ত কোন স্থানে শাখার কার্যালয় স্থাপিত হবে।

(গ) শাখা কর্মপরিষদ :

সভাপতি	১জন
সহ-সভাপতি	১জন
সাধারণ সম্পাদক	১জন
সাংগঠনিক সম্পাদক	১জন
অর্থ সম্পাদক	১জন
প্রচার সম্পাদক	১জন
সাহিত্য ও সংস্কৃতি বিষয়ক সম্পাদক	১জন
সমাজ কল্যাণ সম্পাদক	১জন
দফতর সম্পাদক	১জন
মোট =	৯জন

২. এলাকা :

(ক) যেলা কর্মপরিষদের অনুমোদন সাপেক্ষে প্রয়োজনীয় সংখ্যক শাখা নিয়ে একটি 'সাংগঠনিক এলাকা' গঠিত হবে।

(খ) যেলা সভাপতি স্বীয় কর্মপরিষদ ও সংশ্লিষ্ট উপযেলা সভাপতি এবং শাখা সভাপতিদের সাথে পরামর্শক্রমে এলাকা সভাপতি, সহ-সভাপতি ও সাধারণ সম্পাদক মনোনয়ন দিবেন। উক্ত তিনজন যেলা সভাপতি বা তাঁর প্রতিনিধির উপস্থিতি ও পরামর্শক্রমে অনধিক ১০ (দশ) সদস্যের একটি পূর্ণাঙ্গ 'এলাকা কর্মপরিষদ' গঠন করবেন ও শপথ নিবেন।

(গ) প্রাথমিকভাবে কাজ শুরু করার জন্য যেলা সভাপতি একজনকে আহ্বায়ক, একজনকে যুগ্ম-আহ্বায়ক ও প্রয়োজনীয় সংখ্যক সদস্য নিয়ে একটি 'এলাকা আহ্বায়ক কমিটি' গঠন করতে পারবেন। যার মেয়াদ অনধিক ছয় মাস হবে।

(ঘ) এলাকার অধীনস্থ উপযুক্ত কোন স্থানে যেলা অনুমোদন সাপেক্ষে 'এলাকা কার্যালয়' স্থাপিত হবে।

(ঙ) উচ্চ মাধ্যমিক, আলিম মাদ্রাসা বা সমমানের সকল প্রতিষ্ঠান 'এলাকা'র মর্যাদা পাবে।

(চ) ক্ষেত্র বিশেষে কোন একক এলাকা 'ওয়ার্ড' অথবা 'ইউনিয়ন' নামে অভিহিত হবে।

(ছ) এলাকা কর্মপরিষদ :

সভাপতি	১জন
সহ-সভাপতি	১জন
সাধারণ সম্পাদক	১জন
সাংগঠনিক সম্পাদক	১জন
অর্থ সম্পাদক	১জন
প্রচার সম্পাদক	১জন
প্রশিক্ষণ সম্পাদক	১জন
সাহিত্য ও সংস্কৃতি বিষয়ক সম্পাদক	১জন
সমাজ কল্যাণ সম্পাদক	১জন
দফতর সম্পাদক	১জন
মোট =	১০জন

৩. উপযেলা :

(ক) কয়েকটি এলাকা নিয়ে একটি 'সাংগঠনিক উপযেলা' গঠিত হবে। ক্ষেত্র বিশেষে কোন একক এলাকা 'খানা' অথবা 'উপযেলা' হিসাবে অভিহিত হবে।

(খ) যেলা সভাপতি স্বীয় কর্মপরিষদ ও সংশ্লিষ্ট এলাকা সভাপতিদের সাথে পরামর্শক্রমে উপযেলা সভাপতি, সহ-সভাপতি ও সাধারণ সম্পাদক মনোনয়ন দেবেন। উক্ত তিনজন যেলা সভাপতি বা তাঁর প্রতিনিধির উপস্থিতি ও পরামর্শক্রমে অনধিক ১১ (এগারো) সদস্যের পূর্ণাঙ্গ 'উপযেলা কমিটি' গঠন করবেন এবং শপথ নিবেন।

(গ) যেলার অনুমোদন সাপেক্ষে উপযেলা শহরে অথবা উপযেলার কোন সুবিধাজনক স্থানে 'উপযেলা কার্যালয়' স্থাপিত হবে।

(ঘ) সিটি কর্পোরেশন, পাবলিক বিশ্ববিদ্যালয় ও সরকারী বিশ্ববিদ্যালয় কলেজ, প্রাইভেট বিশ্ববিদ্যালয়, বেসরকারী বিশ্ববিদ্যালয় কলেজ, ডিগ্রী কলেজ ও ফায়িল-কামিল মাদ্রাসা উপযেলার মান পাবে।

(ঙ) উপযেলা কর্মপরিষদ :

সভাপতি	১জন
সহ-সভাপতি	১জন
সাধারণ সম্পাদক	১জন
সাংগঠনিক সম্পাদক	১জন
অর্থ সম্পাদক	১জন
প্রচার সম্পাদক	১জন
প্রশিক্ষণ সম্পাদক	১জন
ছাত্র বিষয়ক সম্পাদক	১জন
সাহিত্য ও সংস্কৃতি বিষয়ক সম্পাদক	১জন
সমাজ কল্যাণ সম্পাদক	১জন
দফতর সম্পাদক	১জন
মোট =	১১জন

৪. যেলা :

(ক) প্রতিটি সরকারী যেলা অথবা 'কেন্দ্রীয় কর্মপরিষদ'-এর অনুমোদন সাপেক্ষে বিশেষ অঞ্চল সমূহ নিয়ে একটি 'সাংগঠনিক যেলা' গঠিত হবে।

(খ) কেন্দ্রীয় সভাপতি স্বীয় কর্মপরিষদ, সংশ্লিষ্ট যেলার উপদেষ্টা পরিষদ ও উপযেলা সভাপতিদের সাথে পরামর্শক্রমে যেলা সভাপতি, সহ-সভাপতি ও সাধারণ সম্পাদক মনোনয়ন দেবেন। উক্ত তিনজন কেন্দ্রীয় সভাপতি বা তাঁর প্রতিনিধির উপস্থিতি ও পরামর্শক্রমে অনধিক ১১ (এগারো) সদস্যের পূর্ণাঙ্গ 'যেলা কর্মপরিষদ' গঠন করবেন এবং শপথ নিবেন।

(গ) প্রাথমিকভাবে কাজ শুরু করার জন্য কেন্দ্রীয় সভাপতি একজনকে আহ্বায়ক, একজনকে যুগ্ম আহ্বায়ক ও প্রয়োজনীয় সংখ্যক সদস্য নিয়ে একটি 'যেলা আহ্বায়ক কমিটি' গঠন করতে পারবেন। যার মেয়াদ অনধিক ছয় মাস হবে।

(ঘ) 'কেন্দ্রীয় কর্মপরিষদ'-এর অনুমোদন সাপেক্ষে যেলা শহরে অথবা যেলার কোন সুবিধাজনক স্থানে 'যেলা কার্যালয়' স্থাপিত হবে।

(চ) যেলা কর্মপরিষদ :

সভাপতি	১জন
সহ-সভাপতি	১জন
সাধারণ সম্পাদক	১জন
সাংগঠনিক সম্পাদক	১জন
অর্থ সম্পাদক	১জন
প্রচার সম্পাদক	১জন
প্রশিক্ষণ সম্পাদক	১জন
ছাত্র বিষয়ক সম্পাদক	১জন
সাহিত্য ও সংস্কৃতি বিষয়ক সম্পাদক	১জন
সমাজ কল্যাণ সম্পাদক	১জন
দফতর সম্পাদক	১জন
মোট =	১১জন

৫. কেন্দ্র :

(ক) 'কেন্দ্রীয় কর্মপরিষদ', 'মজলিসে শূরা' ও 'কেন্দ্রীয় কাউন্সিল সভা' নিয়ে 'কেন্দ্রীয় সংগঠন' গঠিত হবে।

(খ) কেন্দ্রীয় কাউন্সিল সদস্যগণের মধ্য হ'তে অনধিক ১২ (বারো) সদস্য সমন্বয়ে 'কেন্দ্রীয় কর্মপরিষদ' গঠিত হবে। প্রয়োজনবোধে যোগ্য ও অভিজ্ঞ 'কর্মী'দের মধ্য হ'তে সম্পাদক নেওয়া যেতে পারে। তবে মনোনয়নের ৬ (ছয়) মাসের মধ্যে তাকে 'কেন্দ্রীয় কাউন্সিল সদস্য' মানে উন্নীত হ'তে হবে।

(গ) কেন্দ্রীয় কর্মপরিষদ :

সভাপতি	১জন
সহ-সভাপতি	১জন
সাধারণ সম্পাদক	১জন
সাংগঠনিক সম্পাদক	১জন
অর্থ সম্পাদক	১জন
প্রচার সম্পাদক	১জন
প্রশিক্ষণ সম্পাদক	১জন
ছাত্র বিষয়ক সম্পাদক	১জন
তথ্য ও প্রকাশনা সম্পাদক	১জন
সাহিত্য ও সংস্কৃতি বিষয়ক সম্পাদক	১জন
সমাজ কল্যাণ সম্পাদক	১জন
দফতর সম্পাদক	১জন
মোট =	১২জন

(ঘ) মজলিসে শূরা :

- (১) কেন্দ্রে একটি ‘মজলিসে শূরা’ থাকবে।
- (২) ‘কেন্দ্রীয় কাউন্সিল সদস্য’গণের মধ্য হ’তে বয়স, যোগ্যতা ও অভিজ্ঞতা বিবেচনা করে অনধিক ২৫ (পঁচিশ) সদস্য বিশিষ্ট ‘মজলিসে শূরা’ গঠিত হবে।
- (৩) কেন্দ্রীয় কর্মপরিষদের সকল সদস্য পদাধিকার বলে ‘মজলিসে শূরা’র সদস্য হবেন।
- (৪) কেন্দ্রীয় সভাপতি স্বীয় কর্মপরিষদের সাথে পরামর্শক্রমে ‘মজলিসে শূরা’র মনোনয়ন দিবেন।

(ঙ) কেন্দ্রীয় কাউন্সিল সভা :

‘কেন্দ্রীয় কাউন্সিল সদস্য’দের নিয়ে গঠিত এই সভা সংগঠনের ‘সর্বোচ্চ পরিষদ’ হিসাবে গণ্য হবে।

৬. উপদেষ্টা পরিষদ : সংগঠনের অধঃস্তন স্তরসমূহে অনধিক ৭ (সাত) সদস্য বিশিষ্ট উপদেষ্টা পরিষদ থাকবে। ‘আন্দোলন’-এর সংশ্লিষ্ট সভাপতি প্রধান উপদেষ্টা থাকবেন। তিনি যুবসংঘের সংশ্লিষ্ট কর্মপরিষদের সাথে পরামর্শক্রমে বাকি ছয় জন সদস্য মনোনয়ন দিবেন।

ধারা-৯ : কার্যক্রম**(ক) শাখা সংগঠন**

১. দৈনিক বাদ এশা মহল্লার মসজিদে অর্ধসহ ১টি করে হাদীছ শুনানো, বাদ ফজর মুছল্লীদের সম্মুখে গ্রন্থপাঠ এবং সাপ্তাহিক তা‘লীমী বৈঠক করা।
২. গ্রাম বা মহল্লার তরুণ ও যুবকদের নিয়মিত মুছল্লী বানানোর জন্য পরিকল্পনা মোতাবেক দাওয়াত দেওয়া।
৩. দ্বীনী ইলম-এর প্রসারের জন্য প্রত্যেক শাখায় (ক) পাঠাগার ও মক্তব স্থাপন করা (খ) ‘সোনামণি মাদ্রাসা’ ও বয়স্কদের ‘কুরআন শিক্ষা ক্লাস’ চালুর ব্যবস্থা করা (গ) ইসলামী বই ও পত্র-পত্রিকা পাঠের ব্যবস্থা করা। (ঘ) সংগঠনের বিভিন্ন বই, পত্রিকা বিক্রয় করা, পোস্টারিং ও প্রচারপত্র সমূহ বিলি করা ইত্যাদি।
৪. প্রতি মাসে একবার দায়িত্বশীল বৈঠক করা এবং শাখার মাসিক রিপোর্ট এলাকা সভাপতির নিকট প্রেরণ করা।
৫. শাখা সংগঠন প্রয়োজনীয় ফাইল সমূহ সংরক্ষণ করবে। যেমন- (১) সদস্য রেজিস্টার (২) রেজুলেশন বহি (৩) ক্যাশ বহি (৪) ভাউচার ফাইল (৫) বিবিধ ফাইল।
৬. উর্ধ্বতন সংগঠনের নির্দেশাবলী ও বিভিন্ন কর্মসূচী বাস্তবায়নে বাধ্য থাকবে।

(খ) এলাকা সংগঠন

১. প্রতিটি 'এলাকা' অথবা 'উপযেলা' মারকাযে মাসিক তাবলীগী ইজতেমা করা।
২. এলাকার সর্বত্র দাওয়াত সম্প্রসারণ করা, নতুন শাখা গঠন করা এবং গঠিত শাখাসমূহকে অধিকতর সক্রিয় ও শক্তিশালী করার জন্য নিয়মিতভাবে তাবলীগী সফর ও প্রশিক্ষণ কর্মসূচী গ্রহণ করা।
৩. এলাকা কর্মপরিষদ মাসে অন্তত একটি দায়িত্বশীল বৈঠক করবে। সেখানে শাখার প্রদত্ত রিপোর্ট সমূহ পর্যালোচনা করে সংশ্লিষ্ট শাখায় প্রয়োজনীয় পরামর্শ পাঠাবে ও এলাকার মাসিক রিপোর্ট উপযেলায় প্রেরণ করবে।
৪. উর্ধ্বতন সংগঠনের নির্দেশাবলী বাস্তবায়নে বাধ্য থাকবে।
৫. প্রয়োজনীয় নথিপত্র ও রেজিস্টার সংরক্ষণ করবে।

(গ) উপযেলা সংগঠন

১. এলাকা সংগঠন সমূহকে অধিকতর সক্রিয় ও শক্তিশালী করার জন্য কর্মসূচী গ্রহণ করবে।
২. উপযেলা কর্মপরিষদ মাসে অন্ততঃ একটি দায়িত্বশীল বৈঠক করবে।
৩. এলাকার প্রদত্ত রিপোর্ট সমূহ পর্যালোচনা করে সংশ্লিষ্ট এলাকায় প্রয়োজনীয় পরামর্শ পাঠাবে ও উপযেলার মাসিক রিপোর্ট যেলায় প্রেরণ করবে।
৪. উর্ধ্বতন সংগঠনের নির্দেশাবলী বাস্তবায়নে বাধ্য থাকবে।
৫. প্রয়োজনীয় নথিপত্র ও রেজিস্টার সংরক্ষণ করবে।

(ঘ) যেলা সংগঠন

১. যেলা মারকাযে ত্রৈমাসিক প্রশিক্ষণ ও তাবলীগী ইজতেমা করবে।
২. উপযেলা ও এলাকাসমূহ অনুমোদন ও তদারকী করবে।
৩. উপযেলার মাসিক রিপোর্ট পর্যালোচনা করবে এবং প্রয়োজনীয় পরামর্শ পাঠাবে।
৪. কেন্দ্রের পরে যেলাগুলিই সংগঠনের সর্বাধিক গুরুত্বপূর্ণ ইউনিট হিসাবে গণ্য হবে এবং সংগঠনের অগ্রগতির স্বার্থে কেন্দ্রের পূর্ব অনুমতি সাপেক্ষে বিভিন্ন পরিকল্পনা গ্রহণ ও বাস্তবায়ন করবে।
৫. কেন্দ্রের নির্দেশ সমূহ দ্রুত বাস্তবায়নে তৎপর থাকবে এবং প্রয়োজনীয় রেকর্ডপত্র সংরক্ষণ করবে।
৬. যেলা তার নিয়মিত মাসিক রিপোর্ট কেন্দ্রে প্রেরণ করবে এবং তার একটি কপি যেলা 'আন্দোলন'কে প্রদান করবে।

(ঙ) কেন্দ্রীয় সংগঠন

১. যেলা সংগঠনকে অনুমোদন দেবে ও তদারকী করবে।
২. সংগঠনের সামগ্রিক পরিকল্পনা ও কর্মসূচী গ্রহণ করবে।
৩. বার্ষিক কর্মী ও কেন্দ্রীয় কাউন্সিল সম্মেলন করবে।
৪. সংগঠনের সর্বস্তরে কর্মীদের মান উন্নয়নের জন্য প্রয়োজনীয় সফর ও প্রশিক্ষণের ব্যবস্থা গ্রহণ করবে।
৫. রসিদ বই ছাপাবে এবং সংগঠনের সর্বত্র আয়-ব্যয়ের হিসাব পরিদর্শন ও অডিটের ব্যবস্থা করবে।
৬. কেন্দ্র মাসিক রিপোর্ট পর্যালোচনা করবে ও যেলাসমূহে নির্দেশনা পাঠাবে। মাসিক রিপোর্টের অনুলিপি 'দারুল ইমারতে' প্রেরণ করবে।

পঞ্চম অধ্যায়

ধারা-১০ : দায়িত্ব ও কর্তব্য

- (১) মুহতারাম আমীরে জামা'আত অত্র সংগঠনের মূল যিম্মাদার থাকবেন। তিনি কেন্দ্রীয় সভাপতি মনোনয়ন দিবেন ও তাঁর আনুগত্যের বায়'আত গ্রহণ করবেন। তিনি অথবা তাঁর প্রতিনিধি 'কেন্দ্রীয় কাউন্সিল সদস্য' সম্মেলনে প্রধান অতিথি হিসাবে উপস্থিত থাকবেন।
- (২) কেন্দ্রীয় সভাপতি মুহতারাম আমীরে জামা'আতের নিকট এবং সকল স্তরের অধঃস্তন সভাপতি উর্ধ্বতন সভাপতির নিকট দায়বদ্ধ থাকবেন। সর্বস্তরের কর্মপরিষদ সদস্যগণ সংশ্লিষ্ট সভাপতির নিকট দায়বদ্ধ থাকবেন।
- (৩) সভাপতি : তিনি সংগঠনের আভ্যন্তরীণ শৃংখলা রক্ষা করবেন এবং কর্মপরিষদের সিদ্ধান্ত ও কর্মসূচী বাস্তবায়ন করবেন। কোন বিষয়ে তিনি যরুরী সিদ্ধান্ত নিতে পারবেন। তবে পরবর্তী কর্মপরিষদ বৈঠকে তার অনুমোদন নিবেন।
- (৪) সহ-সভাপতি : তিনি সভাপতি প্রদত্ত যেকোন দায়িত্ব পালন করবেন ও তাকে সর্বদা গঠনমূলক ও সুপারামর্শ দিবেন। তিনি সভাপতির অনুপস্থিতিতে সভায় সভাপতিত্ব করবেন এবং তাঁর পক্ষে নিয়মতান্ত্রিক দায়িত্ব পালন করবেন।
- (৫) সাধারণ সম্পাদক : তিনি সম্পাদক মণ্ডলীর প্রধান হিসাবে বিবেচিত হবেন। সভাপতির অনুমতিক্রমে সভা আহ্বান করবেন ও কার্যবিবরণী লিপিবদ্ধ করবেন। তিনি সম্পাদক মণ্ডলীর কার্যক্রম তদারকি করবেন ও বৈঠকে সংগঠনের সার্বিক রিপোর্ট পেশ করবেন।

- (৬) **সাংগঠনিক সম্পাদক** : সাংগঠনিক অগ্রগতি ও শৃংখলা রক্ষার ব্যাপারে বাস্তব পরিকল্পনা পেশ করবেন ও কর্মপরিষদের অনুমোদন সাপেক্ষে তা বাস্তবায়ন করবেন।
- (৭) **অর্থ সম্পাদক** : সংগঠনের হিসাব সংরক্ষণ করবেন ও মাসিক বৈঠকে আয়-ব্যয়ের রিপোর্ট পেশ করবেন। তিনি উন্নয়নমুখী অর্থনৈতিক পরিকল্পনা গ্রহণ করবেন এবং কর্মপরিষদের অনুমোদন সাপেক্ষে তা বাস্তবায়নের পদক্ষেপ নিবেন। তিনি বার্ষিক হিসাব অডিট করাবেন।
- (৮) **প্রচার সম্পাদক** : তিনি প্রচার বিভাগের দায়িত্ব পালন করবেন। তাবলীগী পরিকল্পনা গ্রহণ করবেন ও কর্মপরিষদের অনুমোদন সাপেক্ষে তা বাস্তবায়ন করবেন।
- (৯) **প্রশিক্ষণ সম্পাদক** : সর্বস্তরের দায়িত্বশীল, লেখক, ইমাম ও খতীবদেরকে যোগ্য করে গড়ে তোলার লক্ষ্যে সুনির্দিষ্ট 'প্রশিক্ষণ পরিকল্পনা' 'লেখক সম্মেলন' 'দাঈ প্রশিক্ষণ'-এর ব্যবস্থা করবেন ও কর্মপরিষদের অনুমোদন সাপেক্ষে তা বাস্তবায়নের পদক্ষেপ নিবেন।
- (১০) **ছাত্র বিষয়ক সম্পাদক** : তিনি সংগঠনের শিক্ষা প্রতিষ্ঠান ভিত্তিক শাখা সমূহ তদারকি করবেন। ছাত্রদের মধ্যে সাংগঠনিক তৎপরতা বৃদ্ধির জন্য প্রয়োজনীয় পদক্ষেপ গ্রহণ করবেন।
- (১১) **তথ্য ও প্রকাশনা সম্পাদক** : তিনি 'যুবসংঘ'-এর কেন্দ্রীয় মুখপত্র প্রকাশের দায়িত্ব পালন করবেন। যেলা এবং অধঃস্তন পর্যায়ে দেয়ালিকা ও সাময়িকী ইত্যাদি প্রকাশের উদ্যোগ নিবেন। তিনি সংগঠনের বই-পুস্তক, সাময়িকী, হ্যাণ্ডবিল-লিফলেট, প্রচারপত্র, স্টিকার-ফেস্টুন ইত্যাদি প্রকাশনা বিষয়ে গৃহীত সিদ্ধান্ত বাস্তবায়ন করবেন। তিনি সংগঠনের যাবতীয় তথ্যাদি সংরক্ষণ করবেন।
- (১২) **সাহিত্য ও সংস্কৃতি বিষয়ক সম্পাদক** : তিনি 'আল-হেরা' শিল্পীগোষ্ঠী পরিচালনা করবেন এবং শিল্পীদের প্রশিক্ষণের ব্যবস্থা করবেন। পবিত্র কুরআন ও ছহীহ হাদীছের আলোকে ইসলামী কৃষ্টি ও সংস্কৃতির বিকাশ সাধনে পরিকল্পনা পেশ করবেন ও কর্মপরিষদের অনুমোদন সাপেক্ষে তা বাস্তবায়ন করবেন। তিনি সংগঠনের বিভিন্ন বই-পত্রিকা, প্রচারপত্র ইত্যাদি বিলি ও বিক্রয়ের ব্যবস্থা করবেন এবং সংগঠনের সর্বস্তরে পাঠাগার ব্যবস্থাপনা তদারকি করবেন।
- (১৩) **সমাজ কল্যাণ সম্পাদক** : তিনি সমাজ কল্যাণমূলক পরিকল্পনা (যেমন শীতবস্ত্র ও বন্যাভ্রাণ বিতরণ এবং বিভিন্ন দুর্যোগ মুহূর্তে সাহায্য-সহযোগিতা) গ্রহণ করবেন ও কর্মপরিষদের অনুমোদন সাপেক্ষে তা বাস্তবায়ন করবেন।
- (১৪) **দফতর সম্পাদক** : তিনি সংগঠনের যাবতীয় ফাইল ও রেকর্ড-পত্র সংরক্ষণ করবেন এবং চিঠিপত্র আদান-প্রদান করবেন। তিনি অফিসের রক্ষণাবেক্ষণ ও সার্বিক তদারকি করবেন।

- (১৫) **কেন্দ্রীয় কর্মপরিষদ** : (ক) সংগঠনের সর্বোচ্চ ‘নির্বাহী পরিষদ’ হিসাবে গণ্য হবেন (খ) ‘মজলিসে শূরা’র সিদ্ধান্ত বাস্তবায়ন করবেন (গ) কর্মপরিষদ সদস্যগণ স্ব স্ব বিভাগের দায়িত্ব পালন করবেন এবং সভাপতি প্রদত্ত নির্দেশ সমূহ বাস্তবায়ন করবেন (ঘ) সভাপতির গৃহীত কোন যন্ত্রণী সিদ্ধান্ত পর্যালোচনা ও অনুমোদন করবেন।
- (১৬) **মজলিসে শূরা** : সংগঠনের সর্বোচ্চ ‘পরামর্শ পরিষদ’ হিসাবে গণ্য হবে। শূরার প্রধান দায়িত্বসমূহ নিম্নরূপ : (ক) কেন্দ্রীয় সভাপতিকে সংগঠনের অগ্রগতি বিষয়ে গঠনমূলক পরামর্শ প্রদান করা (খ) মৌলিক সিদ্ধান্ত গ্রহণ, কর্মসূচী প্রণয়ন ও বাজেট অনুমোদন করা (গ) আভ্যন্তরীণ শৃংখলা বিধান করা (ঘ) গঠনতন্ত্রের সংরক্ষণ ও ব্যাখ্যা প্রদান করা (ঙ) সংগঠনে ইসলামী শরী‘আত অনুসরণের তত্ত্বাবধান করা।
- (১৭) **অধঃস্তন কর্মপরিষদ** : মাসিক বৈঠকে গত মাসের আয়-ব্যয়ের হিসাব, সাংগঠনিক রিপোর্ট এবং আগামী মাসের পরিকল্পনাসহ সামগ্রিক রিপোর্ট পেশ, পর্যালোচনা ও অনুমোদন করবে।
- (১৮) **কেন্দ্রীয় কাউন্সিল সভা** : (ক) কেন্দ্রীয় কাউন্সিল সদস্যগণের মধ্য হ’তে ‘কেন্দ্রীয় সভাপতি’ মনোনীত হবেন। (খ) কেন্দ্রীয় সভাপতি মনোনায়নের সময় এই সভা মুহাতারাম আমীরে জামা‘আতকে পরামর্শ দেবে। (গ) এই সভা গঠনতন্ত্রের কোন সংশোধনী প্রস্তাব আনতে পারবে। (ঘ) তাঁরা কেন্দ্রের ও সংগঠনের সার্বিক অগ্রগতির বিষয়ে সর্বদা সজাগ দৃষ্টি রাখবেন। (ঙ) সংগঠন ও দায়িত্বশীলগণের ব্যাপারে তাদের গঠনমূলক প্রস্তাব ও পরামর্শ কেন্দ্র সক্রিয়ভাবে বিবেচনা করবে। (চ) বার্ষিক সম্মেলনে অডিটকৃত হিসাব সহ কেন্দ্রীয় সংগঠনের সার্বিক রিপোর্ট সম্পর্কে তারা অবহিত হবেন।
- (১৯) **উপদেষ্টা পরিষদ** : উপদেষ্টাগণ সংগঠনের অগ্রগতি বিষয়ে সজাগ দৃষ্টি রাখবেন এবং সংশ্লিষ্ট কর্মপরিষদকে প্রয়োজনীয় পরামর্শ ও সহযোগিতা প্রদান করবেন।

ষষ্ঠ অধ্যায়

ধারা-১১ : সভা সমূহ

- (১) সর্বস্তরের ‘কর্মপরিষদ’ নিয়মিত মাসিক বৈঠক করবে।
- (২) অধিকাংশের উপস্থিতিতে ‘কোরাম’ হবে।
- (৩) সর্বস্তরের সভাপতিগণ ১টি নির্দিষ্ট এজেন্ডা দিয়ে যন্ত্রণী বৈঠক আহ্বান করতে পারবেন এবং প্রয়োজনে বিশেষ বৈঠক আহ্বান করবেন।

- (৪) আমীরে জামা'আতের পরামর্শক্রমে কেন্দ্রীয় সভাপতি 'কেন্দ্রীয় কাউন্সিল সদস্য' সম্মেলন আহ্বান করবেন।
- (৫) 'মজলিসে শূরা'র বৈঠক বছরে কমপক্ষে ২টি অনুষ্ঠিত হবে।
- (৬) সাধারণ বৈঠকের নোটিশ কমপক্ষে ৭ (সাত) দিন পূর্বে প্রদান করতে হবে। নিয়মিত মাসিক বৈঠক বিনা নোটিশেও হ'তে পারে।
- (৭) সংগঠনের সর্বস্তরে সুধী সমাবেশ, ছাত্র ও যুব সমাবেশ, কৃতি ছাত্র সংবর্ধনা, প্রশিক্ষণ, কর্মশালা, কর্মী সম্মেলন, সেমিনার, ইসলামী সম্মেলন ইত্যাদি করতে হবে।
- (৮) বছরে একবার কেন্দ্রীয়ভাবে কর্মী এবং কেন্দ্রীয় কাউন্সিল সদস্য সম্মেলন অনুষ্ঠিত হবে।
- (৯) অধঃস্তন সভাপতিগণ প্রয়োজনবোধে উপদেষ্টা পরিষদের সভা আহ্বান করবেন।

সপ্তম অধ্যায়

ধারা-১২ : দায়িত্বশীলের গুণাবলী

(১) আল্লাহভীরুতা (২) সুনাতের পাবন্দী (৩) ইমারতের প্রতি আনুগত্য (৪) পদের প্রতি লোভহীনতা (৫) দায়িত্বানুভূতির তীব্রতা (৬) সততা ও যোগ্যতা (৭) আমানতদারী (৮) হালাল রুযী (৯) ইসলামী পরিবার (১০) সংগঠনের জন্য ত্যাগ স্বীকারের মানসিকতা।

ধারা-১৩ : মনোনয়ন

- (১) মুহতারাম আমীরে জামা'আত যুবসংঘের কেন্দ্রীয় কাউন্সিল সদস্যদের মধ্য হ'তে যোগ্য ও অভিজ্ঞ একজনকে কেন্দ্রীয় সভাপতি মনোনয়ন দিবেন ও সকলে তাঁকে সানন্দে গ্রহণ করবে।
- (২) সভাপতি মনোনয়ন দানের সময় মুহতারাম আমীরে জামা'আত বা তাঁর প্রতিনিধি যুবসংঘের কেন্দ্রীয় কাউন্সিল সদস্যদের সাথে পরামর্শ করবেন।
- (৩) মুহতারাম আমীরে জামা'আত বা তাঁর প্রতিনিধির উপস্থিতি ও পরামর্শক্রমে কেন্দ্রীয় সভাপতি 'কেন্দ্রীয় কর্মপরিষদ' ও 'মজলিসে শূরা' গঠন করবেন এবং তাদের শপথ নিবেন।
- (৪) যেলা, উপজেলা, এলাকা ও শাখা কর্মপরিষদ মনোনয়ন পদ্ধতি চতুর্থ অধ্যায়ের সংশ্লিষ্ট ধারাসমূহে দ্রষ্টব্য।
- (৫) সর্বস্তরে দায়িত্বশীল মনোনয়নের ক্ষেত্রে তৃতীয় অধ্যায়ে বর্ণিত সাংগঠনিক মানের প্রতি দৃষ্টি রাখতে হবে।

ধারা-১৪ : অব্যাহতি

- (১) কেন্দ্রীয় সভাপতির বিরুদ্ধে কোন অভিযোগ উত্থাপিত হ'লে মুহতারাম আমীরে জামা'আত তদন্ত সাপেক্ষে তা নিষ্পত্তির ব্যবস্থা গ্রহণ করবেন।
- (২) এ সংগঠনে পদপ্রার্থনা বা পদত্যাগের কোন সুযোগ নেই। সংগঠনের ক্ষুদ্রাতিক্ষুদ্র দায়িত্ব পালনকেও প্রত্যেক কর্মী তার পরকালীন মুক্তির অন্যতম অসীলা মনে করেন। তাই সংগঠনের পক্ষ থেকে দায়িত্ব ফিরিয়ে না নেওয়া পর্যন্ত যথাযথভাবে দায়িত্ব পালন করে যাওয়া সকলের জন্য একান্তভাবেই কর্তব্য। কিন্তু এতদসত্ত্বেও যদি কারো কর্মকাণ্ডে নিম্নোক্ত বিষয়গুলি প্রতিভাত হয়, তবে তিনি নিম্নোক্তভাবে অব্যাহতি প্রাপ্ত হবেন। যেমন-
 - (ক) কেন্দ্রীয় কোন দায়িত্বশীল গঠনতন্ত্র বিরোধী কাজ করলে (খ) তার কর্মকাণ্ড ধারা-১২-এর বিরোধী বলে পরিলক্ষিত হ'লে (গ) তার বিরুদ্ধে গুরুতর কোন অভিযোগ উত্থাপিত হলে আত্মপক্ষ সমর্থনের সুযোগ দান সাপেক্ষে কর্মপরিষদের পরামর্শক্রমে কেন্দ্রীয় সভাপতি যেকোন সময় তাকে অব্যাহতি প্রদান করবেন। (ঘ) কেউ মৌখিক বা লিখিতভাবে শপথ ভঙ্গ করলে তিনি অব্যাহতিপ্রাপ্ত বলে গণ্য হবেন। (ঙ) আচরণগত ভাবে শপথ ভঙ্গকারী হিসাবে প্রমাণিত হ'লে কেন্দ্রীয় সভাপতির অনুমোদনক্রমে তিনি অব্যাহতিপ্রাপ্ত বলে গণ্য হবেন। (চ) কেউ পরপর তিনটি দায়িত্বশীল বৈঠকে বিনা অনুমতিতে অনুপস্থিত থাকলে, সভাপতি বা সাধারণ সম্পাদক নিজে অথবা সভাপতির প্রতিনিধি তার সাথে সরাসরি যোগাযোগ করবেন ও তার বিষয়টি পুরোপুরি অবগত হবেন। অতঃপর সংশোধনের সকল প্রচেষ্টা ব্যর্থ হ'লে কর্মপরিষদের পরামর্শক্রমে তাকে দায়িত্ব হ'তে অব্যাহতি দেওয়া হবে। তবে সংগঠন হ'তে অব্যাহতির জন্য কেন্দ্রীয় সভাপতির অনুমোদন প্রয়োজন হবে।
- (৩) অধঃস্তন স্তরের কোন দায়িত্বশীলের বিরুদ্ধে দায়িত্বে অবহেলা ও সাংগঠনিক কোন অভিযোগ উত্থাপিত হ'লে সংশ্লিষ্ট সভাপতি স্বীয় উপদেষ্টা পরিষদ ও কর্মপরিষদের সাথে পরামর্শক্রমে বিষয়টির নিষ্পত্তি করবেন। প্রয়োজনে মন্তব্যসহ বিষয়টি উর্ধ্বতন সংগঠনে প্রেরণ করবেন।
- (৪) সংগঠন হতে অব্যাহতিপ্রাপ্ত কোন ব্যক্তি ফিরে আসতে চাইলে তাকে সভাপতি বরাবর উক্ত মর্মে লিখিত আবেদন করতে হবে। কর্মপরিষদের পরামর্শক্রমে সভাপতি উক্ত দরখাস্ত মন্যুর করলে তিনি 'প্রাথমিক সদস্য' ফরম পূরণ করবেন এবং শপথ গ্রহণ করবেন।

অষ্টম অধ্যায়

ধারা-১৫ : অর্থ ব্যবস্থা

আয় :

- (১) (ক) সকল পর্যায়ের দায়িত্বশীল, সদস্য, উপদেষ্টা, সুধী ও শুভাকাজীদের এককালীন নিয়মিত এয়ানত। (খ) কেন্দ্রীয় সংগঠনকে রামায়ান ও যিলহজ্জ মাসের বিশেষ দান ও বার্ষিক এককালীন দান। (গ) অধঃস্তন সংগঠন থেকে প্রাপ্ত ওশর, যাকাত, ফিৎরা, কুরবানী ও অন্যান্য দান-ছাদাক্কার অর্ধাংশ কিংবা নির্ধারিত কোটা। (ঘ) নিজস্ব প্রকাশনার বিক্রয়লব্ধ আয়।
- (২) সকল প্রকার আয় কেন্দ্রীয় রসিদে আদায় হবে।
- (৩) সভাপতি, সাধারণ সম্পাদক ও অর্থ সম্পাদকের সমন্বয়ে সংগঠনের নামে 'ব্যাংক একাউন্ট' থাকবে। সভাপতির স্বাক্ষর আবশ্যিক হবে।

ব্যয় :

সংশ্লিষ্ট কর্মপরিষদের অনুমোদন সাপেক্ষে সংগঠনের সার্বিক স্বার্থে আদায়কৃত অর্থ ব্যয় হবে।

নবম অধ্যায়

ধারা-১৬ : গঠনতন্ত্র সংশোধন

কেন্দ্রীয় কাউন্সিল সদস্যগণ গঠনতন্ত্রের যে কোন সংশোধনী আনতে পারবেন। তবে 'আহলেহাদীছ আন্দোলন বাংলাদেশ'-এর মজলিসে আমেলা কর্তৃক তা অনুমোদিত হ'তে হবে। কিন্তু কোন অবস্থাতেই ধারা- ৩, ৪ ও ৫-এর কোন সংশোধনী বা পরিবর্তন আনা যাবে না।

দশম অধ্যায়

ধারা-১৭ : বিবিধ :

- (১) 'বাংলাদেশ আহলেহাদীছ যুবসংঘ' 'আহলেহাদীছ আন্দোলন বাংলাদেশ'-এর অঙ্গ সংগঠন হিসাবে কাজ করবে।
- (২) প্রতি বছর সেপ্টেম্বর মাস হ'তে সাংগঠনিক বছর শুরু হবে। প্রতি সেশনের মেয়াদ দু'বছর হবে।
- (৩) কমিটি গঠনের ৪৫ (পঁয়তাল্লিশ) দিনের মধ্যে অধঃস্তন সকল সংগঠন সমূহ পুনর্গঠন সম্পন্ন করতে হবে।
- (৪) আমীরে জামা'আত প্রয়োজনবোধে সভাপতির বয়ঃসীমা শিথিল করতে পারবেন।
- (৫) শিক্ষা প্রতিষ্ঠানের ক্ষেত্রে কেবল সংশ্লিষ্ট প্রতিষ্ঠানের ছাত্ররাই সংশ্লিষ্ট কমিটির সদস্য হবেন।
- (৬) উর্ধ্বতন সংগঠনের সফরের ব্যয়ভার অধঃস্তন সংগঠন বহন করবে।

ধারা-১৮ : পরিশিষ্ট

(১) আমীরে জামা'আতের নিকট বায়'আত :

'কেন্দীয় সভাপতি' ও 'কেন্দীয় কাউন্সিল সদস্য'গণ মুহতারাম আমীরে জামা'আতের নিকট শারঈ আনুগত্যের বায়'আত গ্রহণ করবেন। হাতে হাত রেখে বায়'আত করাই সন্মত। ক্ষেত্রবিশেষে বায়'আতের পদ্ধতির পরিবর্তন হ'তে পারে।

[বায়'আতের পূর্বে নিম্নের আয়াতটি অনুবাদসহ শুনাবেন।]

أَعُوذُ بِاللَّهِ مِنَ الشَّيْطَانِ الرَّجِيمِ، بِسْمِ اللَّهِ الرَّحْمَنِ الرَّحِيمِ -

إِنَّ الَّذِينَ يُبَايِعُونَكَ إِنَّمَا يُبَايِعُونَ اللَّهَ، يَدُ اللَّهِ فَوْقَ أَيْدِيهِمْ، فَمَنْ نَكَثَ فَإِنَّمَا يَنْكُثُ عَلَى نَفْسِهِ وَمَنْ أَوْفَى بِمَا عَاهَدَ عَلَيْهِ اللَّهُ فَسَيُؤْتِيهِ أَجْرًا عَظِيمًا (الفتح ١٠) -

অর্থ : 'নিশ্চয়ই যারা আপনার নিকটে আনুগত্যের বায়'আত করল, তারা আল্লাহর নিকটেই বায়'আত করল। আল্লাহর হাত তাদের হাতের উপরে রয়েছে। অতঃপর যে ব্যক্তি বায়'আত ভঙ্গ করে, সে নিজের ক্ষতির জন্যই সেটা করে। কিন্তু যে ব্যক্তি আল্লাহর সাথে কৃত অঙ্গীকার পূর্ণ করে, আল্লাহ শীঘ্র তাকে মহা পুরস্কারে ভূষিত করবেন' (সূরা ফাৎহ ৪৮/১০ আয়াত)।

(ক) তওবা ও ইস্তেগ্ফার :

أَسْتَغْفِرُ اللَّهَ الَّذِي لَا إِلَهَ إِلَّا هُوَ الْحَيُّ الْقَيُّومُ وَ أَتُوبُ إِلَيْهِ -

অর্থ : 'আমি আল্লাহর নিকটে ক্ষমা প্রার্থনা করছি, যিনি ব্যতীত কোন উপাস্য নেই। যিনি চিরঞ্জীব ও বিশ্ব চরাচরের ধারক। আর আমি তাঁর দিকেই ফিরে যাচ্ছি বা তওবা করছি' (তিরমিযী হা/৩৫৭৭; আবুদাউদ হা/১৫১৭; মিশকাত হা/২৩৫৩)।

(খ) বায়'আত :

(১) আমি (প্রত্যেকে তার নাম ও দায়িত্ব উল্লেখ করবেন) আল্লাহ রব্বুল 'আলামীনকে সাক্ষী রেখে মুহতারাম আমীরে জামা'আতের নিকটে এই মর্মে বায়'আত করছি যে, আমি ইসলামের যাবতীয় ফরয ও সন্মত সমূহ পালন করব এবং পবিত্র কুরআন ও হুদী হাদীছ অনুযায়ী নিজের ব্যক্তিগত, পারিবারিক ও সামাজিক জীবন গড়ে তুলতে সচেষ্ট থাকব।

(২) আমি যাবতীয় হারাম ও কবীরা গোনাহ হ'তে বিরত থাকব এবং সর্বদা হালাল রুযী গ্রহণে তৎপর থাকব।

(৩) আমি মুহতারাম আমীরে জামা'আতের নেতৃত্বে জামা'আতবদ্ধ জীবন যাপন করব।

'কুল ইন্না ছালাতী ওয়া নুসুকী ওয়া মাহইয়াইয়া ওয়া মামাতী লিল্লাহি রাব্বিল 'আলামীন' (বল, আমার ছালাত, আমার কুরবানী, আমার জীবন ও আমার মরণ, সবই বিশ্বপালক আল্লাহর জন্য) (আন'আম ৬/১৬২)।

হে আল্লাহ! তুমি আমাকে উক্ত বায়'আত ও অঙ্গীকার পালনের তাওফীক দাও! আমীন!!

২. দায়িত্বশীলগণের শপথ :

- (১) কেন্দ্রীয় সভাপতির নিকটে শপথ গ্রহণের মাধ্যমে কেন্দ্রীয় কর্মপরিষদ, মজলিসে শূরা এবং যেলা সভাপতি মনোনয়ন প্রাপ্ত হবেন। তবে অনুমোদিত কর্মীগণ কেন্দ্রীয় সভাপতি বা তাঁর প্রতিনিধির নিকটে শপথ গ্রহণ করবেন।
- (২) যেলা কর্মপরিষদ সদস্যবৃন্দ, উপযেলা কর্মপরিষদ, এলাকা কর্মপরিষদ ও শাখা কর্মপরিষদ সদস্যগণ সংশ্লিষ্ট যেলা সভাপতির নিকটে শপথ গ্রহণ করবেন।

[শপথের পূর্বে নিম্নোক্ত আয়াত ও হাদীছটি অনুবাদসহ শুনাবেন।]

أَعُوذُ بِاللَّهِ مِنَ الشَّيْطَانِ الرَّجِيمِ، بِسْمِ اللَّهِ الرَّحْمَنِ الرَّحِيمِ -

وَأَوْفُوا بِالْعَهْدِ إِنَّ الْعَهْدَ كَانَ مَسْئُولًا (الإسراء ৩৬) -

অর্থ : ‘তোমরা অঙ্গীকার পূর্ণ কর। নিশ্চয়ই অঙ্গীকার সম্পর্কে (কিয়ামতের দিন) জিজ্ঞাসা করা হইবে’ (বনু ইস্রাঈল ১৭/৩৪)।

□ রাসূলুল্লাহ (ছাঃ) এরশাদ করেন,

أَلَا كُلُّكُمْ رَاعٍ وَكُلُّكُمْ مَسْئُولٌ عَنْ رَعِيَّتِهِ، مُتَّفَقٌ عَلَيْهِ -

অর্থ : ‘মনে রেখ তোমরা প্রত্যেকে দায়িত্বশীল এবং প্রত্যেকেই স্ব স্ব দায়িত্ব সম্পর্কে জিজ্ঞাসিত হবে’ (বুখারী হা/৭১৩৮; মুসলিম হা/১৮২৯; মিশকাত হা/৩৬৮৫)।

(ক) তওবা ও ইস্তেগ্ফার :

أَسْتَغْفِرُ اللَّهَ الَّذِي لَا إِلَهَ إِلَّا هُوَ الْحَيُّ الْقَيُّومُ وَأَتُوبُ إِلَيْهِ

অর্থ : ‘আমি আল্লাহর নিকটে ক্ষমা প্রার্থনা করছি, যিনি ব্যতীত কোন উপাস্য নেই। যিনি চিরঞ্জীব ও বিশ্ব চরাচরের ধারক। আর আমি তাঁর দিকেই ফিরে যাচ্ছি বা তওবা করছি’ (তিরমিযী হা/৩৫৭৭; আবুদাউদ হা/১৫১৭; মিশকাত হা/২৩৫৩)।

(খ) শপথ :

- (১) আমি (প্রত্যেকে তার নাম ও দায়িত্ব উল্লেখ করবেন) আল্লাহ রব্বুল ‘আলামীনকে সাক্ষী রেখে এই মর্মে শপথ করছি যে, আমি ‘বাংলাদেশ আহলেহাদীছ যুবসংঘ’-এর গঠনতন্ত্র পুরাপুরি মেনে চলব এবং তার ভিত্তিতে সংগঠনের মূল উদ্দেশ্য হাছিল ও কর্মসূচীর বাস্তবায়নকেই আমার জীবনের প্রধান কর্তব্য বলে মনে করব।
- (২) আমি আমার উপরে ন্যস্ত সংগঠনের দায়িত্ব ও আমানত বিশ্বস্ততার সাথে রক্ষা করব।
- (৩) আমি পরামর্শের গোপনীয়তা এবং সংগঠনের সার্বিক স্বার্থ ও মর্যাদা পূর্ণভাবে সংরক্ষণ ও সর্বোত্তম শৃঙ্খলা বিধানের যথাসাধ্য চেষ্টা করব।

(৪) আমাকে অব্যাহতি দেওয়া হ'লে বা আমার উপরে অন্যকে অগ্রাধিকার দেওয়া হ'লে আমি তা হাসিমুখে মেনে নেব এবং কোন অবস্থাতেই আমি নেতৃত্ব নিয়ে বাগড়া করব না।

হে আল্লাহ! তুমি আমাকে উক্ত শপথ ও অঙ্গীকার পালনের তাওফীক দাও! আমীন!!

৩. কর্মীর শপথ :

(ক) তওবা ও ইস্তেগ্ফার :

أَعُوذُ بِاللَّهِ مِنَ الشَّيْطَانِ الرَّجِيمِ، بِسْمِ اللَّهِ الرَّحْمَنِ الرَّحِيمِ -
أَسْتَغْفِرُ اللَّهَ الَّذِي لَا إِلَهَ إِلَّا هُوَ الْحَيُّ الْقَيُّومُ وَأَتُوبُ إِلَيْهِ

অর্থ : 'আমি আল্লাহর নিকটে ক্ষমা প্রার্থনা করছি, যিনি ব্যতীত কোন উপাস্য নেই। যিনি চিরঞ্জীব ও বিশ্ব চরাচরের ধারক। আর আমি তাঁর দিকেই ফিরে যাচ্ছি বা তওবা করছি' (তিরমিযী হা/৩৫৭৭; আবুদাউদ হা/১৫১৭; মিশকাত হা/২৩৫৩)।

(খ) শপথ :

আমি (প্রত্যেকে তার নাম উল্লেখ করবেন) 'বাংলাদেশ আহলেহাদীছ যুবসংঘের 'কর্মী' স্তরভুক্ত হয়ে আল্লাহ রক্ষুল আলামীনকে সাক্ষী রেখে এই মর্মে শপথ করছি যে,

- (১) আমি 'বাংলাদেশ আহলেহাদীছ যুবসংঘের' লক্ষ্য, উদ্দেশ্য, মূলনীতি ও কর্মসূচীর সাথে সচেতনভাবে ঐক্যমত পোষণ করছি।
- (২) আমি যাবতীয় হারাম ও কবীরা গোনাহ হ'তে বিরত থাকব এবং সর্বদা হালাল রুযী গ্রহণে তৎপর থাকব।
- (৩) আমি সংগঠনের সামগ্রিক তৎপরতায় স্বতঃস্ফূর্তভাবে সহায়তা করব।

হে আল্লাহ! তুমি আমাকে উক্ত শপথ ও অঙ্গীকার পালনের তাওফীক দাও- আমীন!!



سبحانك اللهم وبحمدك أشهد أن لا إله إلا أنت استغفرك وأتوب إليك -

اللهم اغفر لي ولوالدي وللْمُؤْمِنِينَ يَوْمَ الْحِسَابِ -

মানুষের সার্বিক জীবনকে পবিত্র কুরআন ও ছহীহ হাদীছের আলোকে পরিচালনার গভীর প্রেরণাই হ'ল আহলেহাদীছ আন্দোলনের নৈতিক ভিত্তি। পরকালীন মুক্তির চেতনার উপরেই এই ভিত্তি স্থাপিত।